



Obxecto:	Resposta do Promotor ao Informe sobre o Estudio de Impacto Ambiental e Proxecto Sectorial
Proxecto:	Parque Eólico Banzas
Concellos:	Outes, Negreira e Mazaricos (A Coruña)
Promotor	GREEN CAPITAL POWER, SL
Remitido:	Servizo de Enerxías e Minas da Xefatura Territorial da Coruña da Vicepresidencia segunda e Consellería de Economía, Empresa e Innovación.
Clave:	IN408A 2017/15
Expediente:	03.I.489.2020.001 (Servizo de Arqueoloxía)e IA2414/2018 (Servizo de Arquitectura)

O 05.11.2021 ten entrada, no rexistro electrónico da Xunta de Galicia, un escrito do Servizo de Enerxías e Minas da Xefatura Territorial da Coruña da Vicepresidencia segunda e Consellería de Economía, Empresa e Innovación, polo que se da traslado da Addenda ao Proxecto de execución presentado polo promotor en reposta ao informe da Dirección Xeral de Patrimonio Cultural de data 22.01.2021 relativo ao Parque Eólico Banzas. A este efectos facilítase a ligazón web para descargar a documentación.

Posteriormente, en data 02.12.2021, ten entrada, no rexistro electrónico da Xunta de Galicia, un escrito do Servizo de Enerxías e Minas da Xefatura Territorial da Coruña da Vicepresidencia segunda e Consellería de Economía, Empresa e Innovación, polo que se da traslado da *Memoria de Evaluación del Impacto sobre el Patrimonio Cultural del Proyecto del Parque Eólico Banzas* presentado polo promotor en reposta adicional ao informe da Dirección Xeral de Patrimonio Cultural de data 22.01.2021 relativo ao Parque Eólico Banzas. A este efectos facilítase a ligazón web para descargar a documentación.

ANTECEDENTES E FEITOS

O 22.01.2021, a directora xeral de Patrimonio Cultural informa favorablemente o *Estudio de Impacto Ambiental Parque Eólico Banzas. Septiembre 2020* e *Proyecto Sectorial Parque Eólico Banzas. Septiembre 2020*, debéndose levar a cabo as medidas correctoras establecidas no Anexo III do Estudo de Impacto Ambiental xunto coas seguintes consideracións e condicións:

- Modificarase a situación da Subestación transformadora Banzas de maneira que non afecte aos contornos de protección dos bens culturais. A nova localización deberá acordarse cos servizos técnicos da Dirección Xeral de Patrimonio Cultural e o seu impacto sobre o ben terá que ser avaliado.
- As labores de acondicionamento do viario que afectan ao elemento *Mina da Lagoa* (GA15056090) executaranse cara o lado contrario do ben e baixo control e seguimento arqueolóxico continuo a pé de obra. Realizarase un balizado previo de separación entre a zona de protección do túmulo e o camiño.
- Con carácter previo ao inicio das obras deberase presentar un documento no que se concrete a ruta de acceso desde a estrada AC 400 e se detallen as actuacións concretas a realizar nos camiños que se empreguen (podas, talas, rectificación de curvas, modificacións no firme, cunetas, etc.), identificando os bens do patrimonio cultural que se poidan ver afectados e os tramos nos que existan muros e peches tradicionais, bens arqueolóxicos ou etnográficos (cruceiros, hórreos, muíños...). Nese documento valorarase a posible afección aos elementos do patrimonio cultural e os seus contornos e se detallarán as medidas protectoras e correctoras necesarias para salvagardar o patrimonio cultural, a máis das recollidas o Anexo III do Estudo de Impacto Ambiental.
- Comprobarase a REF01 Eirexa Vella e a REF02 Túmulo para confirmar a existencia de bens arqueolóxicos. Se é necesario rozaranse as zonas, sempre baixo supervisión arqueolóxica. De confirmarse a presenza de elementos arqueolóxicos, avaliarase o impacto das obras sobre os mesmos e estableceranse as medidas correctoras oportunas.
- No caso de identificarse estes bens, o Concello de Outes deberá incluír os novos elementos no catálogo de bens culturais da súa normativa urbanística e definir e cartografar os seus contornos de protección na planimetría de ordenación.
- En relación co Camiño de Santiago, descoñécese se se pretende empregar algún tramo deste como acceso ao parque eólico. Cómpre sinalar que a DXPC xa informou ao mesmo promotor (Green Capital Power, S.L) respecto a empregar o Camiño de Santiago como acceso aos parques eólicos Alvite e Alvite II, situados ao norte do parque eólico Banzas.
- Deberanse buscar alternativas de acceso ao parque eólico Banzas por vías existentes sen necesidade de utilizar o Camiño de Santiago.
- Os traballos de construción do parque eólico e a súa liña de evacuación realizaranse baixo control e seguimento arqueolóxico; a tal fin, e previo ao inicio dos mesmos, deberá presentarse un proxecto arqueolóxico axustado ao





establecido na Lei 5/2016, do 4 de maio, de patrimonio cultural de Galicia (DOG núm. 92, do 16.05.2016) e no Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia (DOG núm., 150, do 06.08.1997).

- A totalidade das obras que comporten movementos ou remocións de terras deberán levar aparelladas o control arqueolóxico das mesmas, que deberá de ser presencial e continuo nos contornos de protección dos xacementos arqueolóxicos documentados no Anexo III do Estudo de Impacto Ambiental. Realizarase un especial seguimento da roza das zonas de obra, así como o control dos perfís e cortes que se xeren. No caso de que se constate a existencia de restos arqueolóxicos, primarase a conservación dos mesmos.
- Calquera modificación do proxecto terá que ser informada pola Dirección Xeral do Patrimonio Cultural.
- Certificarase o estado final dos elementos incluídos no patrimonio cultural unha vez rematada a totalidade de las obras.
- Os contornos de protección dos elementos catalogados do patrimonio cultural, deberán quedar libres tanto de obra nova relacionada co parque eólico e a liña de evacuación proxectada coma de zonas de amoreamento de materiais.

Respecto ao proxecto sectorial:

- Os bens identificados no citado Anexo III deberán ser incluídos na planimetría do Proxecto Sectorial cos seus contornos de protección e os concellos deberán incluílos nos seus planeamentos.
- Na planimetría do proxecto sectorial incluíranse e grafaranse todos os bens patrimoniais recollidos no Anexo III do Estudo de Impacto Ambiental e os seus contornos de protección. A espera da definición das delimitacións de protección específicas e de acordo co art. 38 da *Lei 5/2016, do 4 de maio, de patrimonio cultural de Galicia*, para os bens arqueolóxicos establecerase un contorno de protección subsidiario de 200 m medidos desde o vestixio máis exterior do ben.
- Así mesmo, deberán reflectirse na planimetría todas as modificacións xeradas polo condicionado do informe favorable ao Estudo de Impacto Ambiental.
- O Concello de Outes deberá integrar os novos bens patrimoniais nos seus catálogos urbanísticos de protección.

CONSIDERACIÓNS LEGAIS E TÉCNICAS

- *Lei 5/2016, do 4 de maio, de patrimonio cultural de Galicia* (DOG núm. 92, do 16.05.2016)
- *Lei 7/2008, do 7 de xullo, de Protección da Paisaxe de Galicia* (DOG núm. 139, do 18.07.2008)
- *Decreto 19/2011, do 10 de febreiro, polo que se aproban as Directrices de Ordenación do territorio de Galicia* (DOG núm. 36, do 22.02.2011)
- *Lei 21/2013, do 9 de decembro, de avaliación ambiental* (BOE núm. 296, do 11.12.2013)
- *Decreto 83/2018, do 26 de xullo, polo que se aproba o Plan básico autonómico de Galicia* (DOG núm. 162, do 27.08.2018)
- *Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia* (DOG núm. 150, do 06.08.1997)
- *Decreto 238/2020, do 29 de decembro, polo que se aproban as Directrices de paisaxe de Galicia* (DOG núm. 20, do 01.02.2021)
- *Decreto 198/2020, de 20 de novembro, polo que se establece a estrutura orgánica da Consellería de Cultura, Educación e Universidade* (DOG núm. 242, do 01.12.2020)

A documentación agora achegada contén a Addenda ao Proxecto de Execución (xullo 2021-asdo. 09/08/21), os arquivos shape e a excel coa configuración definitiva do proxecto de referencia e a *Memoria de Evaluación del Impacto sobre el Patrimonio Cultural del Proyecto del Parque Eólico Banzas*. De acordo con ela:

- Axústanse as trazas dos vieiros a acondicionar nas zoas en que discorren polos ámbitos de cautela dos bens patrimoniais.
- Proponse un acceso alternativo ao parque (en fase de estudo) dende o lugar de Pesadoira.
- Redúcese o tamaño das plataformas dos aeroxeradores BZ-02, B-Z04, BZ-05, BZ-07 e BZ-08.
- Modifícase a traza da gabiá cableado que discorre polos ámbitos de cautela dos bens culturais, que irá ou ben soterrada no propio vieiro ou ben pola marxe contraria na que se atopa o elemento.
- Modifícase a localización da Torre Meteorolóxica do parque.





- Desprázase a Subestación fóra do contorno de protección do xacemento arqueolóxico Mina da Lagoa (GA15056090).

O documento *Memoria de Evaluación del Impacto sobre el Patrimonio Cultural del Proyecto del Parque Eólico Banzas* presenta a avaliación das modificacións propostas, quedando a valoración definitiva dos impactos sobre bens do patrimonio cultural como segue:

COD	ELEMENTO	AXENTE DO IMPACTO E XUSTIFICACIÓN	IMPACTO
GA15056090	Mina da Lagoa	Acceso xeral ao PE por estrada asfaltada existente. Traballos de acondicionamento a 70 m ao E	Moderado
RE15056001	Mámoa da Fonte das Herbas	Acceso xeral ao PE por estrada asfaltada existente 26 m ao S. Modificacións a 45 m ao SW	Compatible
RE15062007	Petróglifo 01 de Prado de Banzas	Dubidoso orixe antrópico. Gabia de cableado da TM pola zona de rodaxe dunha pista existente a 172 m ao W	Compatible
REF01	Eirexa Vella	Ausencia de restos visibles. Ampliación de pista de accesos aos aeroxeradores BZ-08 e BZ-09 en zona inmediata 6 m ao W. Zona de xiro 63 m ao SW. Aeroxerador BZ-06 dentro do ámbito de protección subsidiario.	Compatible
REF02	Túmulo de Prado de Banzas	Acceso á TM por una pista existente á modificar e gabia de cableado	Compatible
REF03	Posible Castro de Vilar de Abaixo	Acceso xeral ao PE por estrada asfaltada. Rectificación de curva a 181 m ao NW.	Compatible
TOP01	Cotón das Murallas	Aeroxerador BZ-07 en parcela catastral do topónimo. Ausencia de restos visibles	Compatible
Igrexa	Igrexa de Campolongo	Acceso xeral ao PE por estrada asfaltada existente. Modificacións a 56 ao SE e 62 m ao SW	Compatible
GA15062017	Mámoa 1 de Prado de Banzas	Acondicionamento de pista e gabia de cableado. Acceso á Torre Meteorolóxica atópase a 160 m ao W e gabia pola pista. Fora do ámbito de protección do PXOM	Sen impacto
GA15062018	Mámoa 1 do Campo de Moullón	Obras fora do ámbito de protección: a TM a 931 m ao N	Sen impacto
GA15062019	Mámoa 1 de Rego Mouro	Obras fora do ámbito de protección: a TM a 1400 m ao N	Sen impacto
GA15062026	Mámoa de Chan dos Pozos	Aeroxerador BZ10 fora do ámbito de protección. TM a 928 m ao N	Sen impacto
GA15062027	Mámoa do Alto de Campo de Moullón	Obras fora do ámbito de protección. TM a 735 m ao N	Sen impacto
GA15062028	Mámoa de Pedra Sancha	Obras fora do ámbito de protección. TM a 585 m ao N	Sen impacto
GA15062029	Mámoa 1 do Chan da Alvariza	Obras fora do ámbito de protección. TM a 250 m ao NE	Sen impacto
GA15062032	Mámoa 2 de Prado de Banzas	Acondicionamento de pista e gabia de cableado. TM a 98 m ao W. Fora do ámbito de protección do PXOM	Sen impacto
GA15062033	Mámoa 3 de Prado de Banzas	Acondicionamento de pista e gabia de cableado. TM a 154 m ao W. Fora do ámbito de protección do PXOM.	Sen impacto
GA15062034	Mámoa 2 do Campo de Moullón	Obras fora do ámbito de protección: a TM a 994 m ao N	Sen impacto
GA15062035	Mámoa 2 de Rego Mouro	Obras fora do ámbito de protección: a TM a 1420 m ao N	Sen impacto
GA15062037	Mámoa 2 do Chan da Alvariza	Obras fora do ámbito de protección: a TM a 212 m ao NE	Sen impacto
GA15062ACH2	Estela votiva de Banzas	Sen contexto arqueolóxico asociado. A TM a 1040 m ao NW	Sen impacto
GA1505636	Castro de Couso de Abaixo	Viario de nova construción de acceso ao BZ-04 a 841 m ao W,	Sen impacto





		fora do contorno de protección	
GA15056037	Castro da Aldea de Castro	Acceso xeral ao PE a 553 m ao NW, fora do contorno de protección	Sen impacto
TOP15056002	Campo da Mámoa	Acceso xeral ao PE a 149 m ao W. Sin estruturas nin materiais asociados co topónimo	Sen impacto
GA15045082	Os Castros	Aeroxerador BZ-08 a 344 m ao E do castro fora do ámbito de protección do PXOM	Sen impacto
Muíño 01	Muíño do río Denonciña	Plataforma do aeroxerador BZ-05 a máis de 222 m ao E	Sen impacto
Alvariza 01	Alvariza do Picoto	Acceso á TM 79 m ao SE	Sen impacto
Cruceiro	Cruceiro de Campolongo	Acceso xeral ao PE por estrada asfaltada existente. Modificacións a 75 m ao SE e 53 m ao SW	Sen impacto
Cruz01	Cruz do Coto de Eiras	Aeroxerador BZ-09 e gabia a 195 m ao SE	Sen impacto
Cruz02	Cruz do Picoto	Acceso á TM 21 m ao SE	Sen impacto

- Establécense medidas correctoras, tanto de carácter xenérico, para todos os bens, como específicas que considéranse adecuadas. Dentro das xenéricas atopamos a comunicación ao equipo de arqueoloxía de calquera actuación no recollida no proxecto, a revisión arqueolóxica do replanteo, o balizado previo dos bens e a súa sinalización en planimetría de obra, o control e seguimento dos movementos de terra nas proximidades dos bens, etc...
- As medidas correctoras específicas propostas son as seguintes:

COD	ELEMENTO	IMPACTO	MEDIDAS CORRECTORAS ESPECÍFICAS
RE15056001	Mámoa da Fonte das Herbas	Compatible	Balizado estable e control arqueolóxico presencial
RE15062007	Petróglifo dos Prados de Banzas	Compatible	Balizado estable e control arqueolóxico presencial
REF02	Túmulo de Prado de Banzas	Compatible	Comprobación da referencia (roza da zona). Control arqueolóxico presencial das obras. Balizado estable.
REF03	Posible Castro de Vilar de Abaixo	Compatible	Balizado estable e control arqueolóxico presencial
Igrexa	Igrexa de Campolongo	Compatible	Balizado estable e control arqueolóxico presencial
GA15056090	Mina da Lagoa	Moderado	Balizado estable e control arqueolóxico presencial de acordo co informe da DXPC do 22.01.2021
REF01	Eirexa Vella	Compatible	Comprobación da referencia (roza da zona). Control arqueolóxico presencial das obras. Balizado estable.
TOP01	Cotón das Murallas	Compatible	Balizado estable e control arqueolóxico presencial

INFORME

A nova documentación dá conta dos requirimentos do informe da Dirección Xeral de Patrimonio Cultural 22.01.2021.

Á vista da documentación achegada se informar de xeito **favorable** a *Addenda ao Proxecto de Execución (xullo 2021-asdo. 09/08/21)* e a *Memoria de Evaluación del Impacto sobre el Patrimonio Cultural del Proyecto del Parque Eólico Banzas*, mantendo o condicionado do informe da Dirección Xeral de Patrimonio Cultural do 22.01.2021:

- As labores de acondicionamento do viario que afectan ao elemento *Mina da Lagoa* (GA15056090) executaranse cara o lado contrario do ben e baixo control e seguimento arqueolóxico continuo a pé de obra. Realizarase un balizado previo de separación entre a zona de protección do túmulo e o camiño.





- Comprobarase a REF01 Eirexa Vella e a REF02 Túmulo para confirmar a existencia de bens arqueolóxicos. Se é necesario rozanse as zonas, sempre baixo supervisión arqueolóxica. De confirmarse a presenza de elementos arqueolóxicos, avaliarase o impacto das obras sobre os mesmos e estableceranse as medidas correctoras oportunas.
- No caso de identificarse estes bens, o Concello de Outes deberá incluír os novos elementos no catálogo de bens culturais da súa normativa urbanística e definir e cartografiar os seus contornos de protección na planimetría de ordenación.
- Con carácter previo ao inicio das obras deberá presentarse un documento no que se concrete a ruta de acceso que finalmente se elixa e se detallen as actuacións concretas a realizar nos camiños que se empreguen (podas, talas, rectificación de curvas, modificacións no firme, cunetas, etc.), identificando os bens do patrimonio cultural que se poidan ver afectados e os tramos nos que existan muros e peches tradicionais, bens arqueolóxicos ou etnográficos (cruceiros, hórreos, muíños...). Nese documento valorarase a posible afección aos elementos do patrimonio cultural e os seus contornos e se detallarán as medidas protectoras e correctoras necesarias para salvagardar o patrimonio cultural.
En todo caso, a alternativa de acceso buscará vías existentes sen necesidade de utilizar tramos do Camiño de Santiago.
- Os traballos de construción do parque eólico e a súa liña de evacuación realizaranse baixo control e seguimento arqueolóxico; a tal fin, e previo ao inicio dos mesmos, deberá presentarse un proxecto arqueolóxico axustado ao establecido na Lei 5/2016, do 4 de maio, de patrimonio cultural de Galicia (DOG núm. 92, do 16.05.2016) e no Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia (DOG núm. 150, do 06.08.1997).
- A totalidade das obras que comporten movementos ou remocións de terras deberán levar aparelladas o control arqueolóxico das mesmas, que deberá de ser presencial e continuo nos contornos de protección dos xacementos arqueolóxicos documentados no Anexo III do Estudo de Impacto Ambiental. Realizarase un especial seguimento da roza das zonas de obra, así como o control dos perfís e cortes que se xeren. No caso de que se constate a existencia de restos arqueolóxicos, primarase a conservación dos mesmos.
- Calquera modificación do proxecto terá que ser informada pola Dirección Xeral do Patrimonio Cultural.
- Certificarase o estado final dos elementos incluídos no patrimonio cultural unha vez rematada a totalidade de las obras.
- Os contornos de protección dos elementos catalogados do patrimonio cultural, deberán quedar libres tanto de obra nova relacionada co parque eólico e a liña de evacuación proxectada coma de zonas de amoreamento de materiais.

Toda vez que este informe se emite dentro do trámite ambiental, cómpre sinalar que de acordo cos artigos 39 e 45 da Lei 5/2016, do 4 de maio, do patrimonio cultural de Galicia, as intervencións que se pretendan realizar en bens de interese cultural ou catalogados, así como no seu contorno de protección ou zona de amortecemento, terán que ser autorizadas pola consellería competente en materia de patrimonio cultural e a estes efectos, o promotor ou o concello previa concesión de licenza deberá remitir o correspondente proxecto técnico.

Documento asinado electronicamente en Santiago de Compostela

A directora xeral do Patrimonio Cultural

M^a Carmen Martínez Ínsua

Servizo de Enerxías e Minas da Xefatura Territorial da Coruña da Vicepresidencia segunda e Consellería de Economía, Empresa e Innovación

